


OCTAVII BANDINII

ORATIO

*In obitum Serenissimi COSMI MEDICIS
Magni Etruriæ Ducis*

Habita Romæ in AEde diui Ioannis Baptistæ XIII.
Kal. Iulii. CIO IO LXXIV.

BIBLIOTECA NAZ.
ROMA
VITERBO DEANUSCLE.



FLORENTIÆ
Ex Officina Iuntarum.


CIO IO LXXIV.

OCTAVII BANDINI

ORATIO

In honorem Severini (Romani) Medici
Atheniensi Praefati

In praesentia AELE (Atheniensis) Praefati
K. M. I. A. M. C. I. S. L. X. I. V.



FLORENTIA
Ex Officina Iunctura
C. I. S. L. X. I. V.



IACOBVS IVNTA LA V-
rentio Strozze Karoli F.

S. P. D.



A VCIS ab hinc diebus, humanissime
Laurenti, deuenit ad manus meas Ora
tio Romæ habita ab affine tuo Octauio
Bandinio, in funere COSMI Medi
cis Magni Etruriæ Ducis, quam cum
amicis quibusdam meis sane doctis, us
que optimis viris ostendissem, ut eius
lectione, quæ ipsos mirum in modum
delectauit, fruerentur, re illi inter se de
liberata, omnes vno ore me recte factu

rum dixerunt, si nostris illam typis quam primum excudendam cura
rem: hac enim ratione multorum desiderio satisfactum iri videbant,
qui huius orationis legendæ cupiditate flagrabant, propterea quod illam
ab omnibus plane probari, immo vero summis laudibus in cælum ferri
intelligebant. horum igitur consilium secutus, eam in studioforum om
nium gratia diuulgavi. Quod, cum auctore fortassis inuito, aut certe
insciente a me factum esse animaduertirem, te mihi defensorem para
ui, qui, cum maxima tuæ gentis nobilitate floreas, aliisque tum fortu
næ, tum corporis, atque animi bonis abundes, & optimi huius adole
scantis sororem habeas in matrimonio, apud illum auctoritate, & gra
tia plurimum vales, itaque illi me publicæ voluptatis atque utilitatis
ratione poteris excusare. Hoc vero, quæ tua, illiusque est humanitas,

facile facies. Nec enim adduci possum, ut credam, Octavianum tuum
huiusmodi Orationem suppressere voluisse, sed singulari potius mode-
stia, & pudore ingenio impedivum, prolo hactenus non commississe
arbitror, ut se se semper solet optima quæque ingenia comitari timidi-
tas & cunctatio. Sed quid ego hæc ad te, qui eius verecundiam, ac
bonos ipsius mores præclare novisti. Nam de eruditione nihil dicam,
cum adolescens adhuc tale specimen ingenii sui dederit, ut nihil non ab
eo expectari posse videatur. Vale. Florentia. xiiii. Kal. Au-
gusti CIO IO LXXIIII.



...the ...

Oratio in obitum Serenissimi COSMI MEDICES Magni Hetruriæ Ducis.



AXIME vereor, Patres Amplissimi, nedum COSMI Medices Magni Hetruriæ Ducis obitum publica funebrique pompa summo cum animi dolore, atque acerba recordatione deploramus, in quo grati, & studiosi videri cupimus, invidi potius, atque eius laudis, & gloriæ parum amantes videamur. Nam quid morte optabilius ei esse poterat, qui cum per quadraginta ferè annos florētissimam Hetruriæ Prouinciā sibi subiectā æquitate potius, & concordia, quàm belli, armorumque visal uam, & incolumem conseruasset; eamque postea prouectæ iam ætatis filio FRANCISCO eximie virtutis, & prudentiæ viro, ac sibi penè alteri dedisset administrādā, ad eum iam dignitatis gradum peruenisset, qui non sine summo labore, & corporis animique cōtentione cōparatur, ea iam esset ætate, in qua molesta & iniucunda vita; dulcis, & optabilis mors videri solet. Quid, inquam, morte huic optabilius accidere poterat, qua & vitæ, & gloriæ immortalitatem consequeretur? Quid si hæc alicui vestrum. A. sorte cadit in mentem, animūque suspicio, is, si libuerit, ex ipso orationis cursu colligere poterit, lætitiæ ne tanti viri mors, an luctus, & meroris occasionem attulerit. Quis enim, obsecro, Christianæ Religionis præpugnator, pacis, & concordie auctor, æquitatis, & iustitiæ custode, ac defensore nostrum omnium propè parente extincto, in tanto omnium squalore, & luctu non mereat, non doleat, nō fletu illum, non lacrymis, non aliqua grati animi significatione prosequatur? Quid si admirabile in administrando prudentiam,

in agendo industriam per manus in hac Medicea gente quasi traditam filio suo hæreditario propè iure non reliquisset, auderem profecto dicere, plus nunc ex illius iactura nos capere detrimenti, quàm per tot annos ex singulari illius vigilantia, cura, & administratione ceperimus utilitatis. Verùm quoniam funebrem hanc exequiarum pompam cum Florentinorum in eum obseruantia, tum verò maxime eius singularia merita flagitabant, mihi, cui ne cogitanti quidem, quamvis non satis idoneo hoc dicendi munus demandatum est, magnopere laborandum fuit, non tam ut orationis materiam inuenirem, quàm ut eam, in eius laudibus recensendis rationem instituerem, quæ, & rei magnitudini, & temporis angustis consentanea videretur. Itaque ut ipse, de quo dicturus sum, nostrum in se omnium præclaram voluntatem cognoscat, vósque omnes, qui huic funeri adestis, eximii Principis singulares virtutes, egregiæque facinora penitus percipiat, ea in tanta rerum multitudine breuiter colligam; quæ si non propter nouitatem inaudita, ob singularem quidem certè præstantiam laude, & admiratione digna cuique videbuntur. Quamquam tam multa in hoc latissimo dicendi campo præclara omnia, ac propè diuina dicenti occurrunt, ut magnopere verendum sit, ne rerum gestarum gloriæ, & splendore quibusdam quasi Solis radiis tenuissimæ ingenii mei acies perstricta, & tantæ rei, & vestræ expectatiōni parem orationem afferre non possit. Ac de Medicea quidem familia quid est; quod quisquam hoc tempore, aut illa dignum, aut vobis nouum, aut cuiquam inauditum asserre se posse confidat? cuius splendor, & dignitas infinitis nobilissimorum scriptorum litteris celebrata vigeat memoria sæculorum omnium. Qui hostes, aut priuati Reipub. Florentinæ; aut publici totius Christiani Imperii, horum arma, virtutem, vim, ac potentiam non exhorruerunt? Quæ vnquam ætas de Cosmæ, Petri, Laurentij, de trium Ecclesiæ luminum Leonis Decimi, Clementis Septimi, & Pii Quarti laudibus, & rebus præclare gestis conticescet? in illis quidem prudentia cum vitæ integritate, in his morum, vitæque integritas

Octauii Bandinii.

tegritas cum prudentia coniuncta laudatur: In illis cum moderatione celeritas; in his cum celeritate moderatio commendatur. In illis rei militaris scientiam cum Religionis, & pietatis studio, in his Religionis & tuendæ & amplificandæ studium cum aliqua etiam rerum bellicarum peritia suspiciunt, & admirantur omnes. Quid de cæteris Principibus dicam? qui ex hac familia tanquam ex Equo Troiano exierunt? non potuit sese Medicæ familiæ virtus intra Italiæ fines continere; sed ad FRANCORVM Regnum vsque non tam humano quam Diuino (vt ego quidem arbitror) consilio, & voluntate penetravit; quas vnquam in illa Prouincia infestissimi nostræ Religionis hostes insidias compararunt, quas non diuinus ille adolescens Carolus nobis superioribus diebus immatura morte præreptus, Catherinæ Medices optime, sanctissimæque Mâtris, adiutus consiliis effugerit? Quæ illi in Dei Ecclesiâ venenata tela coniecerunt, quæ non hi singulâ prudentia, & virtute retuderint? quas ad illius Regni perniciem accensas faces, quæ ad totius Christianæ Rei publicæ detrimentum excitata incendia incredibili cum celeritate summo Religionis defendendæ studio, & ardore non extinxere? Nunc autem prudentissima illa scœmina cum optimo Galliam parente, & carissimo se filio orbatam videat, non modo in toleranda filii morte constantiam, sed in Regni gubernaculis suscipiendis singularem prudentiam declarat: dum hostium debilitatis, fractisque viribus, Henrico filio tutum, tranquillumque Regnum conseruat; quem ad discutendas cæcas errorum nubes, ad extirpandas falsas de rebus Diuinis opiniones, errantes in viam reducendos, armis denique vniuersam Galliam liberandam Diuino nobis in tantis calamitatibus consilio datum, finem tanto, ac tam diuturno bello non sine summa Christianæ Reip. salute impositurum speramus. Hinc, & Ioannes Medices, huius ipsius, de quo loquimur, Cosmi Parens originem duxit, quem non modo cum præcis illis tantæ virtutis, & prudentiæ Ducibus comparandum, sed longe etiam præstantiorem putem, quod illi viui dumtaxat; hic verò vel mortuus de hostibus victor glorio-

gloriosissime triumpharit. Tanta enim in eo erat humanitas, tanta in omnes liberalitas, ut quos non armorum, tubarumque strepitus, non dedecus, non ignominia, non patriæ ac parentum amor, & charitas commoueret, ipsa, proh Deus immortalis, IOANNIS MEDICIS Patris Militum (licenim appellabatur) ipsa, inquam, sola viri recordatio ad arma, ad pugnam, ad victoriæ, triumphique laudem consequendam incitaret. Quod cum hæc præclara; & post hominum memoriam admirabilia sint, certè nihil illi gloriosius, nihil ad hominum famam, & postero rum commendationē illustrius accidere potuit, quàm quod Maria Saluiata grauissima, & nobilissima scæmina vxore ducta COSMVM genuit, & educauit filium, qui paternas non modo adæquarit virtutes, sed nobilitatem ipse suam rerum gestarum gloriâ nobilitarit. Erigite, obsecro, animos. A. atque infinitis propè tum pueritiæ, tum adolescentiæ laudibus prudenter omisissis, ad ea, quæ fortunæ tribuuntur, bona, ad iugentem, ac penè incredibilem scælicitatem summa cum virtute coniunctam mentem cogitationemque conuertite. Nam si hæc aliquid ad hominis laudem valere putatur, quis in Italia post homines natos COSMO Duce, aut fortunatior, aut ditior, aut rebus omnibus florentior vnquam fuit? qui ei Vrbi, atque Italiæ parti præfuit, quæ, & Regionis situ, cæli temperie, accolarum natura, frugum vbertate, negotiorum multitudine, rerum gestarum gloria nulli sit inferior; multis autem vel nobilissimis Prouinciis longe superior; Cum enim esset adhuc summæ spei, & virtutis adolescens à Senatu Florentino summa omnium consensione communi omnium ætatum, atque ordinum lætitia Reipublicæ caput, & Dux renunciatur. O lætam, nobisque omnibus iucundam, & scælicem diem, & posteritati perpetuò celebrandam. Non poterat diuina hæc & immortalis virtus diutius latere, atque abdita iacere in tenebris, sed ipsa se se suo splendore prodidit, & in omnium conspectu, atque orbis terræ theatro posita in omaes, vel remotissimos angulos lucis suæ radios, fulgoremque transmisit. Etenim incredibile est quâ

Octauii Bandinii.

ta cum prudentia, & consilio in hoc dignitatis gradu constitutus, excitatas armis seditiones, ac tumultus comprimere, optimisque legibus, ac salutaribus decretis debiles adhuc, & infirmas renascentis Reipublicæ vires confirmare cœperit. Intelligebat enim summo vir ingenio optimè constitutas ciuitates non tam armorum quàm legum præsidio instructas esse oportere. Quam à primis pueritiæ annis, sui apud omnes expectationem concitauerat, & quam gerebat personam sustinendam sibi esse existimabat. Nihil agebat, nihil vir ille cogitabat, quod non vtile, ac salutare ciuitati, non gratum, non iucundum, non perhonorificum esse iudicaret. Nam et Pisarum nobilissimam Urbem, quæ Ciuium incuria pristinum suum splendorem penitus amiserat, frequentissimis ædificiis ornauit, agroque purgato, paludibus exiccatis, doctissimos in ea homines alendo, nobilissimorum adolescentium frequentia, & peregrinorum, qui eò vndique confluent, multitudine saluberrimam, & celeberrimam reddidit. Aretium, & fortissimis propugnaculis muniuit, & validissimis sepsit præditiis. Pistoriensium ciuitatem intestino bello, ac ciuilibus discordiis laboratē, breui magna omnium cum admiratione, & armis, & armorum formidine liberauit. Et ne quod posset excogitari laudis genus, quod ei fortuna denegasset, urbem condidit, quæ COSMI nomen referens cum in posterorum obliuionem venire ob eius singulares virtutes, atque animi dotes non pateretur. Sed quàm est eis, qui cæteris præsumunt, aut seueritatis, ac fortitudinis inuidia, aut inertie, ac nequitie suspicio pertimescenda? Inuidiam tamen ille virtute partam gloriam, non inuidiam putabat. Vix enim sexto Principatus sui mense complures Florentini Ciues, vt in Ciuitatibus Ciuium frequentia, & nobilitate illustribus accidere solet, militum collecta manu bellum Patriæ Parenti indicunt. Non tulit fortissimus Adolescens in tanto salutis discrimine diutius versari rempublicam, vi ad arma compulsus, Cæsaris implorato auxilio, fugatis ad Montem Murlium, interemptisque hostibus, armis remp. metu Ciuitatem, vniuersam denique Prouinciam bello conflagra-

tem, vastatione, & incendio liberat, incredibilem apud omnes beneuolentiam, immortalem apud posteros sui nominis gloriam consecutus. Sedatis demum pacatisque rebus se se ad ciuitatem in pace atque ocio administrandam ita contulit, vt in se omnium non modò Ciuium, sed exterorum etiam mentes animosq; conuerteret, & foelicem Florétinam Remp. communi omnes consensu, ac fortunatam prædicarent, quam Deus Opt. Max. tantæ virtutis, integritatis, consilii, & prudentiæ viro gubernandam tradidisset. Et quoniam Magistratus Ciuitatis, & honores tum ad Reip. salutem necessarios, tum præmia, & ornamenta virtutum esse intelligebat, veteres non modò non sustulit, sed nouos etiam instituit, vt Ciues ad labores pro R. ep. fortiter subeundos, hac proposita præmii spe, quasi quibusdam laudis, & honoris stimulis incitarentur. Quanta semper in hac Ciuitate Iudiciorum fuerit cum seueritate integritas, cum integritate seueritas; huius ego rei tot habeo testes, quot hic adestis Florentini ciues; à quibus inter ceteras præstantissimas huius viri virtutes, moderatam iudiciorum rationem, diuinarum, humanarumque legum obseruatiã prædicari sepe, & commendari amplissimis verbis audiui. Vxorem, cum esset adhuc adolescens, duxit ELEONORAM Petri Toletani Principis in Hispania viri filiam, cuius laudes cum copiosius ab aliis enumeratas audiueritis, recensere in præsentia superuacaneum esse iudicauim. Illud certè tacitus præterire non possum, sed magna voce proferre, vel inuitus cõgor. Fuit hæc FRANCISCI, IOANNIS, GARZIAE, FERDINANDI, PETRI, hæc inquam, ISABELLAE, & LVCRETIAE, Parens fuit, hæc tantos tantæ virtutis filios procreauit, & aluit. In his, si placet, quandoquidem viuã virtutis imago erepta est mortalibus, parentum, vt paucis multa complectar, virtutes non leuiter adumbratas sed ad viuum mirabiliter expressas recognoscite, hos intuemini, horum vitam & mores diligenter obseruate. Parentum in filiis, filiorum in parentibus similitudinẽ incredibilem, admirabilem, singularem, in vtrisque virtutem inuenietis; quàm multa de IOANNE, ac FERDINANDO,

Octauii Bandinii.

NANDO Mediceis Amplissimis Cardinalibus dicēda essent, in quibus tanta fuit ingeniorum similitudo, vt cum illius singularis vitę morumque integritas, admirabilis in rerum administratione prudentia, consilium, ac propē diuina virtus in mentem veniunt, quos ei comparare possim, paucos inueniam. Cū hunc verò, cuius pręsentię luce interdum recreamur, intueor, non fratrem modò (quod fieri vix posset mihi persuadebam) sed semetipsum mihi superasse aliquādo videtur. Sed quid ego pluribus apud vos Patres amplissimi huiuslaudes recensere contendo, cuius in maximis, grauissimisque rebus consilium, & industriam cum singulari quadam comitate coniunctam sępe experti estis, & in dies magis experimini? Quare vt ad **COSMVM**, vnde digressa est, mea reuertatur oratio, quę, & quot in hoc vno sunt, quę illud non modo suis gratissimum, sed exteris etiam amabilem reddiderunt, quot continentię, mansuetudinis, & beneuolentię extant exempla, qua non modo suos intra equitatis, legūque limites continuit, sed inter finitimos, & externos ortas seditiones sedare, & in pristinum pacis, ac tranquillitatis statum restituere conatus est. Neminem vestrum ignorare arbitror. **A.** quid à **CAROLO** Quinto ad bellum Rei pub. Senensis inferendum prouocatus responderit, Malo (inquit) Senensium meis officiis, & beneuolentia auctam in diuturna pace, atque ocio sociam mihi, & amicam Ciuitatem stare, quàm meis armis, ac viribus labefactatā corruere. Per timebat enim vir ille prudētissimus, ne pręclara antea actę vitę facinora, perpetua apud posteros suscepti belli inuidia ob ruerentur: quin ita amplissimā illam, atque ornatissimā urbē perpetuo dilexit, vt nunquā atrocissimi illius belli, nunquā armorum, tubarumque strepitus, nunquā memorabilis illius pugne veniret in mentē, nunquā semiruta mœnia, humili prostrata edificia inspiceret, quin acerbissimum eius animo doloris vulnus iam multo antea inflictum recrudesceret. Sed cum intestinis Florentissima illa Resp. laboraret discordiis, cresceretque in dies magis armorum multitudo, eoque iam ventum esset, vt à **Cæsare**, cuius olim se se in fidem dederat,

deficere, & suo iure omnia vellet administrare: cū(inquam)
 in tanto armorum strepitu tanquam ex aliqua specula Cos-
 mvs magna, quæ Florentinæ Reip. imminabant pericula;
 animo præuideret, & à Cæsare, à quo ob singularem, & sæ-
 pe in rebus gerendis expertam prudentiam, & virtutem mi-
 rificè diligebatur, vt hoc commune bellum susceperet, sæ-
 pius rogaretur, suas esse demum partes tot, ac tantis iustissi-
 mis de causis arbitratus est, tantam in se belli molem conuer-
 tere, & exterorum metu, ac formidine Reimp. & vniuersam
 Heturix provinciam liberare. Quod quidem bellum tanta
 cum prudentia administravit, vt non minus se hostibus,
 quam suis amabilem, nec suis minus, quam hostibus for-
 midabilem reddiderit, & ad eum tandem exitum perdu-
 xerit, quem optabant, & sperabant omnes. In quo incredi-
 bilem Cæsaris liberalitatem, gratique animi significationem
 non admirari non possum; qui confecto iam bello tanta ho-
 minis virtute permotus, cuius labore, & sumptibus optata
 erat pax ciuitati reddita, eiusdem etiam prudentia, & consi-
 lio voluit diutissimè conseruari. Accepta itaque Cosmvs
 vrbis primùm, tum arcium, & præsidiorum in agro Senensi
 administratione, non modo in pristinam dignitatem resti-
 tuit mœnia, ædificia, sacræque ædes belli calamitate prostra-
 tas reficiendo, sed ita ornauit, & auxit, sanctis, ac salutaribus
 decretis confirmauit, vt ex illo die, quo die in eius potesta-
 tem venit, vsque ad hæc nostra tempora in diuturna pace,
 atque ocio conquieuerit. Longum esset, singulas eius lau-
 des, & facta persequi, quare iis, quæ in reliquo vitæ cursu
 præclare gessit, prætermisis, ad ea, quæ recentiora sunt, pro-
 perabo, omnia laudabiliter, omnia fortiter, omnia sapien-
 ter fecit, ita vt omnia singularia cum sint, nihil in eo inue-
 nias singulare. Affinitas certe, qua FRANCISCVM filium
 cum Austriis, atque ipso Imperatore Augusto deuinxit, quā
 tam dicendi facultatem suppeditaret? Equidem statuere
 haud possum, plus ne familiæ splendor, ac dignitas ornāmē-
 ti, an præstantissima IOANNÆ Austriæ virtus, animique
 probitas utilitatis vniuersæ Ciuitati attulerit, in qua nō Im-
 perato-

Octavii Bandinii.

peratoriam stirpem, non naturæ bona, & fortunæ abundantiam, quæ cum vel maxima in ea sint, magnam tamen sibi eius laudis partem Fortuna vendicat, sed in subleuandis pauperum calamitatibus liberalitatem, & benevolentiam, summam in colendo Deo pietatem, in omni vita integritatem, in illa sexus imbecillitate, non dum sua maturitate perfecta ætate, & suspiciunt omnes, atque ingenti prædicatione extollunt. Faueat cœptis Deus Opt. Max. faueat, inquam, & Medicæ Austriæque familiæ patrocínio rectam Ciuitatem omni rerum genere Florentissimam, nobisque diutissimè (ut speramus) seruet incolumem. Ad pietatis nunc cultum, ac Religionis amorem venio, qui tantus in Cosmo fuit, ut amplissima sit dignitatis, vel ob hanc vnâ causam, præmia consequutus. Quorsum enim obsecro fortissimorum Equitum sodalitatem ab eo institutam arbitramur? Vos, vos appello, qui illius nobilissimæ Crucis insignibus decorati, in eam estis militiam ascripti, quid districtus ille dextra gladius agit? cuius latus ille mucro petit? Quid à vobis Crux vestræ familiæ insigne efflagitat? Quid Equitis nomen, & cætera equitum ornamenta requirunt? Non dubito quid responsuri sitis. perfidorum hostium iniurias à Dei Ecclesia, sacrilegas à sacris Virginibus impiorum manus, à tectis templisque cedes, & incendia, ferrum à Christianorum iugulis, iugum denique a ceruicibus omnium vi, ferro, sanguine denique, ac vita propulsare debemus. Huc suas ille curas, cogitationes, & consilia dirigebat, eamque ob rem cum nouas societates instituere nō nisi Regibus liceret, hanc ipse facultatem à Pro 1111. Pont. Max. ob singularem, & multis in Ecclesiæ periculis spectatam virtutem obtinuit. Quid? quod nulum vnquam contra Christiani nominis hostes non dicam gestum, sed nec susceptum est bellum, in quo ille non aut copiis, aut stipendiis, aut armatis, instructisque triremibus, aut denique fortissimis huius ordinis Equitibus Dei Ecclesiam iuuerit. Sed quid ego pluribus hæc testimoniis, & exemplis probare contendo, quæ innocentissimi viri sunt, & Sanctissimi Pontificis testimonio comprobata? quam enim obsecro
ob

ob causam amplissimis post hominum memoriam honoribus à P. o Quinto Pont. Max. ornatum fuisse putatis, nisi ob pietatis studium, Religionis amorem, & charitatem? Vi debat enim summus ille vir, & gregis sibi commissi diligens Pastor Ecclesie nauim ventorum procellarumque tempestati expositam, hostium armis vndique circumuetam, huc, atque illuc humano denudatam presidio temere agitari. No uerat huius ad opem in Ecclesie calamitatibus ferendam animi propensionem. Acceperat à Cæsare olim hac ipsa de causa illum in equestrem aurei velleris ordinem adscriptum esse, suas esse partes Sanctissimus Senex arbitratus est, pietatis studiosis fauere, bonos, & bene de Christiana Rep. meritos debitis præmiis, & honoribus ornare, ut ceteros propostita præmii spe ad eiusdem laudis emulationem alliceret. Tantu in eo erat, non tuende modo, sed amplificande etiam Religionis amor, & studium: Sed facere non possum, quin intimo animi sensu commotus hoc loco exclamem, O miseram humanę vitę conditionem, quem ante quatuor annos tanta cum pompa Urbem Romam ingressum, tanto bonorum omnium plausu, & lætitia, vniuerso spectante populo, Regio sceptro, & corona ornari vidimus, huic hodierna die iam mortuo tãto cum squallore, ac luctu iusta persoluimus. O spes fallaces, o inanes cogitationes, sic fluunt, occidunt, & labuntur omnia. Ut enim Florentiam rediit, graui, ac diuturno morbo oppressus, cum per biennium acerbissimum in corpore dolorem, magna animi virtute, & constantia tolerasset, x. 1. demum Kal. Maii, l. v. etatis sue anno, ex hac mortali, fragilique vita decessit. Extincta est, (magno equi dem hęc cum dolore dico, quę mihi tamen necessario dicenda sunt) extincta, inquam, admirabilis illa in priuatis rebus moderatio, splendor in publicis, in bellicis fortitudo, in Urbanis prudentia, in suscipiendis consilium, in exequendis industria, in subleuandis, orandisque ciuibz caritas, & munificentia, in puniendis, castigandisque lenitas, in duris, aduersisque rebus patientia, in prosperis, & secundis æquabilitas, summum in omni vita Religionis, pietatisque studium;

firmis-

Octauii Bandinii.

firmissimum illud bonorum præsidium, sanctarum lator legum, pacis, & concordie custos, Iustitie, & æquitatis patronus, hæc, inquam, omnia vna eripuit hora. Vellem equidem aliquod dolori nostro leuamen Ciues afferre, sed cum vestras lachrymas tantum bonorum omnium mœrorem, ac luctum, ipsa denique mœnia tanto squallore obsita circumspicio, acerbæ tanti viri recordatio veterem animi curam, & molestiam mihi vel inuitissimo renouat, ita vt nisi ad sempiternam illam, quam (vt auguratur animus) post mortem assequutus est beatitudinem, & ad eam lucem, quæ in tanta rerum caligine Reip. Florentinæ tanta omnium cum admiratione coruscare cœpit, FRANCISCVM, inquam, filium, animum, cogitationemque conuertam, nullum alibi in tantis calamitatibus solatium, nullum in tanto omnium dolore consolationis genus inueniam. Te enim COSME appello, qui corporis his compagibus solutus ex hac caduca mortali que vita ad beatissimum illud Beatorum domicilium Diuino consilio ereptus euolasti. Quibus, obsecro, bonis, quibus ornatus honoribus promissam piis omnibus possides hæreditatem? quæ, & quanta virtutis es præmia consecutus? magna (vt opinor) immortalia, diuina, sempiterna. Tuorum in te Ciuium animos, & perpetuam tuorum beneficiorum memoriam, dum luctu te, & lamentationibus prosequuntur, agnosce: quam eis in terris benevolentiam, ac paternam curam, tot, ac tantis testimoniis declarasti, eandem nunc in Cælo Diuinæ Charitatis ardore auctam perpetuo conserua. Annuit, vt mihi videtur, annuit; Ciues, è Cælo COSMVS prospera nobis omnia, & secunda, eandem, si eadem in nobis erit grata, & pia voluntas, in filio erga nos benevolentiam, eandem, si in eiusdem virtutis insistamus viam, præmia, eademque bona pollicetur. Restat igitur nunc, vt quoniam eius virtute, & prudentia factum est, vt FRANCISCO filio non modo Imperii, sed virtutis, & gloriæ hæreditatem, quàm maximè firmam, stabilem, certamque reliquerit; hoc læto potius, hilarique vultu, prout humana imbecillitas feret, quam mœrore, & luctu, comprobemus. Quid enim

enim illius fortasse in hominibus ad se admittendis comita-
 tem desideratis? benignitate hic ipsa est, & humanitate hu-
 manior. In cognoscendis, constituendisque rebus pruden-
 tiam requiritis? Quis hoc vno prudentior, qui ad imperan-
 dum natus, & diuinitus nobis datus, turbulentos animi mo-
 tus se dare prius quam iis afficeretur, didicit; cuius adolescen-
 tia ad Remp. gerendam, non externæ, sed domesticæ virtu-
 tis exemplo, non alienis præceptis, sed suis imperiis, non bel-
 lo, non armis, sed optata, & diuturna pace traducta est. Mo-
 rum vitæque integritatem optatis? singularem in eo esse di-
 cerem, si in iis, qui ceteris præsumt, non necessaria potius,
 quàm laudabilis videretur. Pietatem demum in colendo Deo,
 defendendæ Religionis studium expectatis? Intelligent hoc
 Romani Pontifices, si quando, Christiana (quod Deus omne
 auertat) in discrimen adducta Republica, huius opem, & au-
 xilium implorabunt. Sentient hoc quicumque ad inferendū
 nobis bellum arma capient, quis eius sit erga Romanam hanc
 Sedem animus, quæ mens, quæ voluntas, quis armorum sen-
 sus, nō sine suo magno malo cognoscēt. Nostræ demum par-
 tes, Ciues, sunt, vt longam ei, diuturnamque vitam, foelicē
 Imperii administrationem, tutam, tranquillam-
 que pacem, prospera denique omnia, &
 secunda à Deo immortali maxi-
 mis, diuturnisq; preci-
 bus contendamus.

Dixi.

